

ձեր ականջին, հաճոյական, վճիտ աղ-
բիւրի մը կարկաշիւ նման, ականա-
կիտ աղբիւրի մը, որ՝ ես կը մաղթեմ՝
շատ և շատ տարիներ պիտի պատմէ

տակաւին ուրիշ առակներ մեզի՝ որ
այնքան կը սիրենք զինքը, ուրիշ խօս-
քեր ճշմարտութեան և երազանքի:

ԽՄԲԱԳՐՈՒԹԵԱՆ ԿՈՂՄԻՅ

Բանալով 1904 թ. բաժանորդագրութիւնը՝ «Մուրճ»
ամսագրի խմբագրութիւնը չի ուզում ծածկել հասարա-
կութիւնից այն հանգամանքը, որ այս տարի ևս նա չ'ու-
նեցաւ տարեկան բաժանորդների այն minimum-ը (1000),
առանց որին անկարելի է հոգալ ամսագրի հրատարա-
կութեան ամենաանհրաժեշտ ծախքերն անգամ: 1903
թւականին վճարող բաժանորդների թիւը հասնում էր
780-ի:

Ամսագրիս բաժանորդների վիճակագրութիւնը այս
տարի ևս ցոյց է տալիս, որ մեր կենտրոնները՝ Թիֆլիս
և Բուգու, ինչպէս և հայաշատ գաւառական քաղաքնե-
րը՝ Ալեքսանդրոպոլ, Շուշի, Գանձակ, Երևան, Բաթում,
Ախալցխա՝ բաժանորդների աւելանալու տեսակէտից
բաւական մեծ յամառութեամբ սառուցման կէտի
վրայ են կանգնած... Այդ կողմից աւելի միիթա-
րական երևոյթ է ներկայացնում Հիւսիսային Կովկասը
և Ռուսաստանը, ուր տարէցտարի նկատելի կերպով ա-
ճում է բաժանորդների թիւը, նոյնը կարելի է ասել և
Պարսկաստանի մասին:

Պարտք ենք համարում մեր բաժանորդներին յայտ-
նելու, թէ խմբագրութիւնից անկախ պատճառներով
հնարաւոր չ'եղաւ տալ «Մուրճ»-ում Զոլայի «Ճշմարտու-
թիւն» վէպի թարգմանութիւնը *): Բացի այդ, մեր

*) Նոյն պատճառով անկարող եղան այդ վէպը տպագրե-
լու և՛ ոսերէն:

յարգելի աշխատակից Լէօի երկարատե հիւանդութիւնը արդեւք եղաւ «Մուրճ»-ում մինչեւ այժմ նրա «Հայոց գրականութիւնը» աշխատութեան երեւան գալուն, յաջորդ համարից կը սկսուի այս գրուածքի տպագրութիւնը:

Վ Ր Ի Պ Ա Կ Ն Ե Ր

Այս համարում

երես	տող	տպուած է	պէտք է լինի
74	10 վ.	ապրանքները	ապարանքները
91	1 վ.	նրան	զնայ